

# Марксистск-ленинск теорийиг арднь ордж дасхмн

Коммунистическ партин гардвртагъар мана орн-нутг коммунистическ обществ тосхдж бääнä. Партин керг күүцäлгнä тölä үнн-чик, мергн ухата медрлтä ноолдач болхин тölä коммунист болгын эврәннь сургъмджан бөдлүлдж, марксизм-ленинизмн номиг түүлднй күргдж, гүүнär дасдж авх зөвтä. Коммунист күн болгын революционн теорийиг дасад, медäd авчкхла, политикин утх-үндсинь, партин политикин болн шиидвриг меддж авхднй амр болхмн.

Бидн эндр эврәннь газетдән, Ленинградск партийн организацд партийн пропагандин көдлмш ягъдж кегддгин материал барлджанавдн. Эн организацин дамшлт ик гидг сургъмджта. Ленинград балгсна болн эн областин коммунистнр марксистск - ленинск теорийиг арднй ордж дасдж, меддж авчадгдж.

Социалистическ революцин үүдлтин олгä болгч — Ленинä балгсна омгта авъяст партийн комитетс багъ наста коммунистнриг чадмг кевär, нääгынй олдж сургъджана.

Партийн сургъулин оньгрсн джилд коммунистнр икнкднй СССР-н Деед Советин өөннн сессийин материалмуд, КПСС-н ЦК-н Пленумсин шиидврмүд, коммунистическ болн көдлмшч партсын Московск совещанä документс, промышленностин болн тосхлтин гардвриг оньгдарулдж ярулхин тускар, колхозн тосхлтин цаарандк делгрлтин болн МТС-н бүрдämджиг оньгдарулхин тускар партин гаргсын шиидврмүдиг дасцхав.

Эн документст — ик гидг теоретическ материалмуд, марксистск - ленинск номиг билглгч кевär өргджүлгч кест шин положеньс бääнä. Эн тоотиг дасдж авлгын — Европин болн Азин социалистическ орн-нутгудин диилврмүдин чинриг, нарт делкән коммунистическ джисанä үзмджиг гүүнär медхд дөнй болна. Баячудин ухан-седклин өмнäs, ревизионизмин өмнäs, коммунистическ тосхлтин шин диилврмүдин тölä ноолда кехд эн коммунистнрин юмнд мокшго селмнй болджана.

Партийн сургъулин системд теоретическ семинарс келгын икдсиг байртагъар темдглх кергтä. Тиим семинарс деер, эврән сургъуль дасджах коммунистнр теоретическ джаньгьрта күнд төрär оларн холгъдж күүндвр, зөвчллгь кецхәнä. Коммунистнр бийснй дегтрмүд дасад, күч-көлсчирт сургъмдж өгхднй тиим семинарсик дөнй болна.

Ленинградск партийн организацин нег темдгтä ончнй —

партийн комитетс болн политическ сургъмджин кабинетс пропагандистск кадрмудт сән сургъмдж, гардвр, оньг өгдгдж. Пропагандистнрин семинарс деер теоретическ төрмүдиг практическ дамшлтä ирлцүлдж күүнддж, меддж авад, партийн комитетсин гардачнр эврән бийснй пропагандистнр болсн деерән, кружоксиг, семинарсиг, школмудиг гардцхадгдж.

Партийн сургъулин джил төгсв. Давсн джилин көдлмшин ашиг диглäd, дуту-дундинй илдкäd, олзта, туста дамшлтинй хамцулад, иргч сургъулин джилд олэлдж, кадрмудин, цуг коммунистнрин марксистск - ленинск медрл бөдлүллгь күцх керчтä Давсн джилин дигмүдäs иштäгъär, иргч джилд коммунистнрин сургъулиг ягъдж бүрдäхлä сән болх эв-аргынй темдглдж авх кергтä. Пропагандистнрт — политшколмудин, кружоксин, семинарсин гардачирт ямаран улс тävхән оданас авн йилгъдж, тедниг белдвр бүрдäх кергтä.

Партийн сургъулин джил төгснä — гисн партийн организацс зуна цагт пропагандистск көдлмш келго, тагчг суухмн гисн үг биш болджана. Марксизм - ленинизмиг äмтнд тархадж, дасхлгьнд үвл-зун гидж йилгьвр бääх зөв уга. Öдгä цагин нарт делкән болн орн-нутгин дотрдунд болджах үүлдврмүдиг мана коммунистнр болн партийн биш улс, марксистск-ленинск номин гол ухагъар меддг болгьх төр — партийн организацсин өмн кезäd болв чигн зогсад бääх төр.

Зуна саамд, эркн чинртä төрмүдär лекцс умшад, заавр өгäd, күүндвр кегäd бääх кергтä. Äмтнä бääдл-джиргьлäs иштä гарцах төрмүдär цäälгьвр өггч пропагандистск статьяс, консультацс барар дамджулдж гаргьджах кергтä.

Партийн сургъмдж гисн — партийн көдлмшин эркн чинртä нег халхнй. Мана партин цуг члед марксизм - ленинизмн туургсн сургъмджиг дасдж авад, йоста гидг чик-го седклтä, баячудин ухан-тоолврла, ревизионизмлä эвцән уга болад, революционн теорий даслгьиг билглгч, байджадж, өргджүлгч кевär кедж чадмн болхла — мана алдр партин зерглән улм хамцнъгьу болдж, коммунистическ тосхлтд коммунистнрин толгьалгч нилчнй улм бөдлхмн.

Партийн организац болгын, терүнä гардач болгын, энъгин коммунист болгын энүг эврәннй ухан-седклдән хавта, батта кевär орулдж авч, аргьчидлән äрвлл уга, арднй ордж күцäх даалгьврта мөн.